

& corporum, & forma continēti, in ipsis appareat priuatio, quatenus ex his priout non erant v.g. lignum, sit lignum, videlicet quartensis illa lignum non erant, siue erant non lignum, in eis manebat priuatio ligni, siue erant lignum in potētia, quod idem est, & mox sunt lignum in actu; igitur ignis, aqua, terra, sunt re vera generabilium, & corruptibilium prima principia, vt à me fuit superius propositum quæst. 2. sect. 5. subsect. pr. n. 9. Sed vt reuertar ad argumentum, dico quod Aristoteles nullam generationem assignat naturalium rerum, quæ non sit mistio, siue miscibilium substantialis vniō, videlicet elementorū, sic namque ipse definire habet mistionem, prout dico loco supra citato, videlicet quæst. 2. sect. 5. subsect. pr. n. 10. quia propter ego sic arguo; totum fundementum aduersariorum contra mea elementa est, quia non sunt homogenea; at huic difficultati responsum a me fuit supra quæst. 2. sect. 5. subsect. pr. n. 15. in responsione ad vnam eorum instantiam, vbi dico esse homogenea, si non in ratione elementi vt sic, sunt tamen talia ratio-
ne vnbilium tendentium ad vnum; immo, vt ibidem dixi, eadem ratio militat contra eorum materiam & formam, & si oculi me non fallunt, carnem per ipsos [quod negare non possunt] effice-
re corpus physicum, & tamen non est, rigorosè loquendo,
homogenea, etenim si ipsa prematur remittit extra se
humorem, similiter si affetur, vel lambico distilletur, videbunt
dictum humorem esse partim aequum, partim glutinosum, par-
tim sanguineum, nec quid homogeneous erit vlo modo cum
parte residua, quæ non effluit; immo dictus humor in plures
humores vi lambici separatur minime homogeneous, &
hoc non obstante dicti humores per modum vnius aliquid carni-
ca erant, quando manebant in massa illa mixta corporea physi-
ca; & si dicant hoc esse falsum, quia non erant aliquid carnis,
ex eo quia caro solū est illa massa arida, quæ remanet omni
succo excluso; dico quod hoc falsum est; qui si resoluant totum
id, quod non est caro, videbunt solū præ manibus elementa
remanere ipsam carnem componentia, vt quid vnum homo-
geneum, quatenus videlicet inter se intersecata, & minutatim
permista, ita vt partes vnius elementi a partibus aliorum nulla-
tenus sensibus possent discerni, sicut argentum simul cum auro
fusum, & per alterationem, & mistionem confusum constituit
massam vnam homogeneam ad sensum; & tamen chrysocolla
optimè separantur partes auri illibatae ab illis argenti; item
lapi-